

Naalackersuisut Inatsisartut suleriaasianni § 33, imm. 4 naapertorlugu aalajangiiffigisassatut siunnersuummik imaattumik matumuuna Inatsisartunut saqqummiussaqaqput:

**Siunnersuut: Inatsisartut aalajangiiffigisassaattut siunnersuut Namminersorlutik Oqartussat akuersissutigissagaat International Labour Organization – ILO -p isumaqatigiissutaa nr. 115, sulisartut qinngornernut ingerlaartunut (ioniserende) illersorneqarnissaat pillugu isumaqatigiissutaasoq akuersissutigineqassasoq**  
(Inuussutissarsiornermut, Suliffeqarnermut, Niuernermit Nunanullu Allanut Naalackersuisoq)

### **Tunngavilersuut**

Siunnersuut inassuteqaatit arlaqartut ”Uran-imik piianeq aamma avammut niueruteqartarnek pillugu nalunaarusiaq”-mi nalunaarneqarsimasut ilagaat. Isumaqatigiissut suliaasaqarfinni tamani sulisartut illersorneqarnissaannik imaqaqpoq.

### **Isumaqatigiissutip imai:**

Isumaqatigiissutip artikel 3-a naapertorlugu piffissami sumiluunniit ilisimasat pigisat tunngavigalugit pisariaqartumik isumannaallisaasoqassaaq, naammaginarumik sulisuusut illersorneqarnissaat aamma peqqissutsimikkut eqqarsaatigalugu, qinngornernut ingerlaartunut uloriarnartunut tunngatillugu.

Peqataasut nalunaarusiortassapput nassuiaallutillu isumaqatigiissummi pineqartumi aalajangersakkat qanoq iliorluni eqqortinneqarnerat pillugu, aammalu siunnersuuteqartassallutik qanoq periaaseqarnikkut siunissami aaqquussinerit ingerlanneqarsinnaanersut pillugit.

### **Allaffissornikkut aningaasaqarnikkullu pisortat ingerlatsinerannut kingunerisassai.**

Isumaqatigiissutip akuersissutigineqarneranut atatillugu inatsisiliorloqassaaq, inatsisillu atortinneqarneranut nakkutilliinermik aaqquussisoqarluni. Naalackersuisut aamma UKA 2015-imi inatsisissatut siunnersuummik saqqummiussaqaqassapput qinngornernut ingerlaartunut tunngatillugu aamma tamatumunnga atatillugu sillimaniarnermut tunngasutigut aaqquussinernik.

**Inuussutissarsiortunut allaffissornikkut aningaasaqarnikkullu kingunerisassai**  
Inuussutissarsiortut ilassutitut aningaasartuuteqalissapput ataasiakkaatigut,  
uppernarsaasiortarnikkut aammalu pisariaqarfiatigut sulisuusut illersorneqarnerannut.

### **Attaveqarfigisassat**

Oqaaseqaateqartoqareerpat oqartussaasut susassaqtut attavigineqassapput Kalaallit  
Nunaanni atortuulersitsinermut atatillugu.

### **Tusarniaaneq**

Inatsisartut aalajangiiffigisassaattut siunnersuut Naalakkersuisut tusarniaasarnernut  
quppersagaanni saqqummiunneqarsimavoq piffissami 12. juni-miit 6. aggustimut 2015.  
Tusarniaassut tiguneqarsimanngilaq.

Taamatut oqaaseqarluta Naalakkersuisut inassutigissavaat Inatsisartut akuersissutigissagaat  
Namminersorlutik Oqartussat - International Labour Organization – ILO-p sulisartut  
qinngornernut ingerlaartunut illersorneqarnissaat pillugu isumaqatigiissutaa nr. 115.

### **Ilanngussaq:**

- 1) Qinngornernut ioniseriisunut sulisartut illersornissaat pillugit ILO-mi isumaqatigiissut nr. 115-ip eqikkarnera
- 2) International Labour Organization - ILO-p - sulisartut qinngornernut ingerlaartunut illersorneqarnissaat pillugu isumaqatigiissutaa nr. 115.